



## INFORMASHON

*Fecha*  
29 di ougùstùs 2017

*Accountmanager di Komunikashon*  
Jhanirha Da Costa Gomez

*Email*  
[jhanirha.anita@gobiernu.cw](mailto:jhanirha.anita@gobiernu.cw)

### **Konstrukshon i mantenshon di plenchi**

Servisio pa obra públiko ta e instansia di gobièrnu ku ta sòru pa konstrukshon i mantenshon di plenchinan riba Kòrsou.

Un plenchi ta un espasio habri di sierto grandura ku ta situá sea den un área habitá òf un área no habitá. Meta di un plenchi ta pa yuda forma e infrastruktura den e área i tambe pa konsientisá pueblo di personanan ku a nifiká hopi pa nos komunidad.

Na Kòrsou, nos tin diferente plenchi, manera entre otro: Brionplein, Whilhemina plein etc.

### **Konstrukshon di plenchi nobo**

Servisio pa Obra Públiko ta konstantemente trahando pa mehorá nos infrastruktura. Esaki por ta inkluí konstrukshon di un plenchi nobo. E trabounan aki ta forma parti di un plan integral di OW. Na momentu di konstrukshon di por ehèmpel un bario nobo, por diseñá e área pa inkluí un plenchi.

### **Nòmber di plenchi.**

Pa duna un plenchi nòmber òf kambia un plenchi su nòmber tin un proseso ku mester tuma lugá. Gobièrnu ta outorisá pa duna nòmber òf kambia nòmber di un plenchi. Gobièrnu tin un komishon ku ta enkargá pa duna nòmber na tur plenchi. Introdukshon di un nòmber nobo semper mester sosodé a base di un desishon di Minister di Tráfiko, Transporte i Planifikashon Urbano.

Un persona ku ke duna un plenchi nòmber nobo òf ku a tuma nota di un plenchi ku ta den konstrukshon i ke proponé un nòmber pa esaki, por aserka e Minister di Tráfiko, Transporte i Planifikashon Urbano den un petishon por eskrito den kual e ta indiká:

- Sitio di e plenchi
- Nòmber aktual di e plenchi
- Proposishon di nòmber nobo
- Argumentashon pa nòmber nobo
- Informashon di kontakto



## INFORMASHON

*Fecha*

29 di ougùstùs 2017

*Accountmanager di Komunikashon*

Jhanirha Da Costa Gomez

*Email*

[jhanirha.anita@gobiernu.cw](mailto:jhanirha.anita@gobiernu.cw)

Ta entrega e petishon aki na Minister di Tráfiko, Transporte i Planifikashon Urbano, Seru di Arrarat parsela C.

Gobièrnu lo evaluá e petishon pa nòmber i lo informá debidamente si por kumpli ku e petishon.

### **Mantenshon di plenchi.**

Servisio pa Obra Públiko tin e responsabilidadat di mantené tur sorto di plenchi na Kòrsou. Esaki mester sosodé regularmente pa evitá ku e plenchi ta resultá den un mal estado.

Aktualmente, Servisio pa Obra Públiko tin un plan pa mantenshon di plenchi. Kada plenchi lo yega na su turno segun ku fondo ta bira disponibel pa hasi esaki.